



Moleatsa  
o molemo  
wa

# Bukana e senang mantswe

(E ngoletswe bana ba hodileng le batho ba baholo)

Sesotho

# The Wordless Book

“A colourful Way to Share the Gospel”

The Wordless Book originally comprised only three pages – **Black**, **Red** and **White**. It was introduced by Charles Spurgeon in 1866 when preaching at the Metropolitan Tabernacle in London. His sermon was entitled “*The Wordless Book*”. Mr. Spurgeon told of an elderly pastor WHO had put three pages of these colours together, and often referred to them to remind himself of his own sinfulness (black), of Christ’s blood poured out for him (red), and of the “whiter-than-snow” purification, as granted by the Lord.

It is not known exactly when the **Gold** page was added, but that brought another dimension to the book. It depicted the glory of God and His heavenly home. Nine years later, D.L. Moody used the book of colours at a children’s service. An estimated 12 000 people attended to listen to his message about A book with four pages: Black, Red, White and Gold.


When Child Evangelism Fellowship (CEF) began to print the little book in 1939, they added another page of **Green**, to represent Christian growth.

In 1993, **AMOS** was founded by Hennie and Janetta Viljoen. **AMOS** realized the value of the Wordless Book in teaching the gospel to the illiterate. They, however, wanted it to tell the complete message of the Bible, and therefore in 1994 added the final colour of **Blue** to the Wordless Book, to remind us of the promised return of Christ.

It later came to light that the International Children’s Ministry Institute (ICMI) had the same vision, and had already added a blue page in 1988.







ISBN 978-1-920318-56-1

Revised: May 2016



## Selelekela

Wena o motho ya bohlokwa hobane o ka ba mojalefa wa tse ngata ho feta kamoo o nahanang kateng. Ho feta moo o ka rarollelwa mathata a maholo a hao. O ka bala Bibeleng hore na hona ho ka etsahala jwang. Bukana ena ke tlhaloso e bonolo ya molaetsa wa BibeLe. Ho o thusa hore o utlwisise molaetsa ona habonolo, o hlaloswa ka bukana e se nang mantswe. Bukana ena ha e na mantswe ho hang. E na le mebala e tsheletseng feela. Mmala o mong le o mong o tshwantsha taba e itseng mme ditaba tsena ke tsa bohlokwa ho feta tsohle tse ding bophelong ba hao tseo o tshwanetseng ho di tseba le ho di dumela.

	Kgauta:	Modimo ke Morena
	Ditshila:	Sebe se silafatsa bophelo
	Bofubedu:	Madi a Jesu
	Tlhweko:	Ho hlatsuwa hore o hlweke
	Botala ba jwang:	Ho hola lehlakoreng la moya (Semela se melang)
	Botala ba Lehodimo:	Jesu o tla kgutla hape (Lehodimo le mmala o motala)

Molaetsa ona ha o bohlokwa ho wena feela empa ho batho bohle. Ka baka leo o phetele le ba bang ditaba tsa **wona**. Ho o thusa bukana ena e hatisiswe ka dipuo tse fapafapaneng. Ha o ka bala molaetsa ona, mme wa o dumela, bophelo ba hao bo tla fetoha mme bo ke ke ba ba ba tshwana hape le ba pele. Bala ha monate!

AMOS



## **Ho teng Modimo wa nnete a le mong feela mme o a o rata!**

Tshimolohong ho ne ho se letho ha e se Modimo feela. Ke ha a hlola tsohle, e leng tsohle tse bonwang le tse sitwang ho bonwa, le tsohle tseo o di nahanang, esita le tseo o esong ho di nahane, tsohle tseo o ka di utlwanng ka ditsebe le diatla, tseo o ka di latswanng le tseo o ka di fofonelang. Se bopilweng ke Modimo, se makatsang ka ho fetisisa, ke motho. Le wena o bopilwe ke Modimo. Ke ka baka leo Modimo a bitswanng: Mmopi.

Hoba Modimo a hlole lefatshe le tsohle tse ho lona, ha a ka a ikgula ho tsona. Tjhe, o ntse a baballa tsohle tse hlodilweng ke yena. O hlokomela dinaledi tse kgolo hore di se tswe madulong a tsona. Empa o hlokomela le tsona dirobele le dibokonyana tse nyenyane. O baballa le bona batho.

Kahobane Modimo e le mohlodi wa tsohle, ha ho letho, kappa motho, ya mo fetang ka boholo, bokgoni, bohlale, matla le bohlokwa. Ka baka leo Modimo ya hlodileng tsohle, ke yena Modimo a le mong wa nnete. Haeba ho le teng ntho kappa motho ya leng bohlokwa ho wena ho feta Modimo enwa, hoo ho bolela hore o sebeletsa modimo wa bohata hobane Modimo wa nnete o mong feela. Ka baka leo ha o a dumellwa hore o rapele hoo, kapa o kgumamele, kapa o ise tlhompho ho ntho efe kappa efe e entsweng ke Modimo, o e kenye sebakeng sa Modimo. Ho feta moo o se ke wa iketsa Modimo, kapa wa nka ba bang, kapa meya, kapa mangeloi jwaloka Modimo.

Modimo o fapane ka hohlehohle le dintho tse hlodilweng ke yena. O bona tsohle mme o tseba tsohle. Leha o sitwa ho

mmona, kamehla o teng ditulong tsohle. O na le matla a ho etsa tsohle tseo a ratang ho di etsa. Ho teng ntho e le nngwe feela eo Modimo a ke keng a e etsa, e leng sebe. Modimo o a halalela. Ha a na sebe!

Mohlolo wa mehlolo ke ona: Modimo enwa ya halalelang, o a o rata. Leha Modimo a le moholo hakanakana, mme a sa hloke motho kapa letho, o tseba lebitso la hao, mme o rata ho o etsetsa molemo. Ha ho hlokahale hore o leke ho reka lerato la Modimo ka mahlabelo kapa dimpho. Ha ho hlokahale hore o itshehake kapa o ithokofatse hore a tle a o rate kapa a o thuse. O o rata kamoo o leng kateng.

Modimo o rata ho ba Modimo wa hao. Empa o rata le hore wena o be ngwana wa hae. Feela ho teng ntho e thibang hore wena ka bowena o iphetole o be ngwana wa Modimo. Leqephe le ditshila le tla o ruta hore na ntho eo ke eng.

***Ipalle dikarolo tsena tsa Bibe le hore o ithute ho tseba Modimo ka ho feta:***

Tshimoloho/Genese 1:1 - 2:4a	Esaya 45:20-25
Dipolelo/Deuteronoma 6:4	Matheu 6:24-33 le 10:29-31
Nehemia 9:5-37	Johanne 3:16
Jobo 11:7-9	Diketso 17:24-31
Pesalema 139:1-18	Baroma 1:18-25 le 11:33-36
Esaya 44:6-26	1Timothea 1:17



## O tletse dibe mme o sitwa ho ipholosa

Batho ba pele ba bopilweng ke Modimo, e leng Adama le Eva, ha ba a ka ba qobellwa ke Modimo hore ba morate. Oba bopile e le batho ba nang le matla a ho itherela hore na ba tla morata le ho mo utlwa kapa tjhe. Satane o ile a ba kgelosa mme ka baka leo ba ile ba etsa qeto ya hore ba ke ke ba utlwa Modimo. Ba ile ba etsa sebe. Jwale motho mang le mang ya tswalwang, o se a tshwana le Adama le Eva, ke ho re ke moetsadibe. Ka baka la boetsadibe bona, le wena o se o etsa dintho tse mpe ka bowena, leha ho se motho ya o rutang ho di etsa. Kahobane batho bohle ba tswalwa e se e le baetsadibe, batho bohle ba etsa sebe. Ha ho motho ya se nang sebe (Baroma 3:23).

Empa na sebe ke eng? Modimo ka sebele sa hae o re bolella Bibeleng hore na sebe ke eng. Sebe ke ho se utlwe Modimo. Hape, ke ho se rate Modimo le batho ba bang. Ha o sa rate Modimo le batho ba bang, o nahana le ho bua le ho etsa dintho tse mpe tse ba amang. O rera kamoo o ka utlwisang motho e mong bohloko, kapa kamoo o ka iphumanelang dintho tsa hae kateng. O rohaka batho mme o ba bolella mashano. O a ba seba ka ho phetela ba bang dintho tse mpe maloka le bona. O hana ho sebeta, mme o utswa dintho tsa ba bang. Le ha o roba dintho tsa batho, kapa o di tjhesa, o bontsha hore ha o ba rate. Ho folotswa (e leng polao ya ngwana ya esong ho tswalwe), tlhalano ya ba nyalaneng, dipeto le tthekefetso ya bana, ke dintho tse mpe haholo mahlong a Modimo. Ya etsang tse jwalo o supa hore ha a rate Modimo le batho ba bang. Ka baka leo dintho tse na ke dibe.

Empa esita le ha o sa etse e nngwe ya dintho tse na tse mpe tse boletsweng, o sa ntsane o le moetsadibe, hobane ha o sa etse seo Modimo a ratang hore o se etse, o hloka kutlo.

Jwale, e ka kgona o etse eng? Modimo o batla hore o mo rate, o mo utlwe, o mo kgumamele. O rate batho ba bang jwalokaha o ithata. Tsohle tseo o ratang hore ba bang ba o etsetse tsona, le wena o ba etsetse tsona. Ha o sa etse jwalo, o etsa sebe.

Ka baka leo qaka ya hao e kgolo haholo. Ha se feela sebe seo o se etsang se o sitisang hore wena ka bowena o iketse ngwana wa Modimo, empa le bona boemo ba hao ba boetsadibe, bo a o sitisa. Tshwanelo ke hore Modimo a o otle ka kotlo e sa feleng mane diheleng, mme ha ho letho leo wena o ka le etsang ho phema kotlo ena.

Leha ho le jwalo, ho teng molaetsa o molemo. Kahobane Modimo a o rata hakaalo, o ile a etsa morero o makatsang. O tla ithuta ka morero ona leqepheng le latelang le lefubedu.

***Ipalle dikarolo tse na tse latelang. Di tla o nea tsebo ya hore sebe ke eng, di o bontshe bobele ba sona ho wena:***

Genese/Tshimoloho 3:1-24	Mattheu 5:21-22 le 27-28
Phallo/Eksoda 20:1-17	Mattheu 7:12 le 22:34-40
1 Samuele 15:22-23	Johanne 16:8-9
Pesalema 51:7	Baroma 3:9-26 le 5:12-21
Esaya 5:8-24	Baefese 2:1-3
Jeremia 22:13-19	Jakobo 1:13-15
Malakiya 2:15-16	Tshenolo 21:8



## **Modimo o roma Jesu Mora wa hae, hore a o pholose**

Leha batho bohle ba etsa sebe, Modimo ha a ka a kgaotsa ho ba rata, hobane Modimo ke lerato (1 Joh. 4:8-10) Empa Modimo ha a lerato feela. Ho feta moo, o a halalela mme o na le toka. O hloile sebe, ka baka leo o tshwanetse ho se otlala.

O tla utlwisisa boholo ba lerato la Modimo ho wena, moetsadibe, ha o qala ho lemoha hore Modimo o ile a etsa qeto ya hore Jesu ka sebele sa hae, o tla o jarela kotlo ya dibe tsa hao. E le hore a etse jwalo, ho ne ho hlokeha hore a rome Mora wa hae ho tla mona lefatsheng moo a neng a tshwa-netse ho tswalwa jwaloka motho. Hona ho etsahetse jwang? Modimo o entse mohlolo. Matla a Moya o Halalelang wa Modimo a ile a thehela hodima morwetsana, a mo emodisa, mme a fumaneha e le moimana. Hona ho etsahetse mo-rwetsana eo a eso ka a robala le monna. Modimo o itse lebitso la ngwana wa hae e be Jesu, hobane ke yena ya tla pholosa batho dibeng tsa bona. Kahoo Jesu ke Modimo ka sebele le motho ka sebele.

Jwaloka motho, Jesu o ile a lekwa ke Satane, empa o nnile a utlwa Modimo. Ha a ka a etsa sebe le ka mohlala. Ke ka baka leo a ileng a kgona ho re jarela kotlo ya dibe tsa rona. O ile a shwa sefapanong sebakeng sa rona.

Kahobane Jesu e ne e le Modimo ka sebele, o hlotse lefu ka ho tsoha bafung kamora matsatsi a mararo. Ka tsoho ya hae o hlotse le Satane le meya yohle e mebe. O tlile ho tla re lokolla matleng a sebe. Matsatsi a mashome a mane kamora tsoho ya hae, o ile a kgutlela lehodimong. Kamora matsatsi



a leshome Yena le Modimo, Ntatae, ba ile ba roma Moya o Halalelang ho rona. Ke Moya o Halalelang o fang batho tumelo ya hore Jesu o shwetse dibe tsa bona sefapanong.

Jesu ke Mmuelli a le mong feela (1Tim. 2:5).

Sebe se ile sa kgaohanya batho le Modimo. Kahobane e le Jesu feela ya se nang sebe, ke Yena feela ya ka kgonang ho kopanya batho le Modimo hape. Hona o ho entse ha a ne a leketla sefapanong pakeng tsa lehodimo le lefatshe. Teng o hlomile kgotso ka madi a hae ka ho boelanya batho le Modimo.

Batho bohle ba entse sebe. E mong le e mong o hloka mmuelli le mopholosi. Ka baka leo ha ho *motho* ya ka o thusang hore o boelane le Modimo. Ka baka leo Maria (mma Morena Jesu), esita le bona badimo, ba sitwa ho o thusa. Le yena moporofeta, kapa moruti, kapa motho e mong eo e leng motsamaisi wa borapedi bo itseng, ba sitwa ho o boelanya le Modimo. Ke Jesu feela ya ka etsang jwalo! Bala Johanne 14:6.

***Dikarolo tsena tse latelang di hlalosa bophelo ba Jesu le mesebetsi ya hae, Yena Mopholosi a le mong:***

Bala Evangedi ya Mareka	1 Bakorinthe 15:1-6
Luka 1:26-38 le 2:1-20	Baheberu 4:14-16
Luka 22:47 le 24:53	Baheberu 10:11-18
Johanne 1:1-18 le 14:6-11	1 Johane 3:4-8
Baroma 1:2-6	Tshenolo 5:8-14



## **Ha o dumela ho Jesu, o ka ba le bonnete ba hore o pholositswe**

Jesu Kreste o se a entse tsohle tseo o di hloakang hore a o etse ngwana wa Modimo. O rata le ho tlosa dibe tsa hao tsohle hore bophelo ba hao bo hlweke. Empa tsebo ena ka bo yona, ha e o etse ngwana wa Modimo. O tshwanetse ho dumela hore tsohle tseo Jesu a di entseng, o di etseditse wena. O di amohele, e be tsa hao. Taba ena e ka tshwantshwa ka sejana se tletseng dijo. Ho tseba feela hore sejana se jwalo se teng, ho ke ke ha fedisa ho lapa ha hao. Ho feta moo, ho nka dijo tseo, ho di bea pela hao hodima tafole, le teng ho ke ke ha fedisa ho lapa ha hao. E le hore ho lapa ho fele, o tshwanetse ho di nka, o di je. Ka tsela e jwalo, o ika-mohelle taba ena ya hore Jesu o ile a shwa sebakeng sa hao.

O se ke wa re Jesu o se a otlilwe ka baka la dibe tsa hao, mme o mo amohetse, jwale o ka nna wa tswela pele ka ho etsa dibe. O tshwanetse ho itlrama hore o tla furalla dibe tsohle, o utlwe Modimo feela. Ha o etsa jwalo, mohlomong o tla furallwa ke metswalle ya hao kahobane o hana ha etsa dintho tse mpe hammoho le bona jwaloka pele. Jesu o itse lefatshe le tla hloya ba dumelang ho Yena, hobane le Yena le ne le mo hloile. Ka baka leo ha se ntho e bonolo ho ba ngwana wa Modimo. Leha ho le jwalo, o ithaope ho latela Jesu, hobane ke Yena feela ya ka o pholosang dibeng tsa hao le ya ka o neang bophelo bo sa feleng. Etsa qeto hona jwale.

Ha o rata ho amohela Jesu, o ka rapela thapelo ena: **Morena Jesu, ke swabile ka baka la dibe tsa ka mme ke a tseba hore ha ho letho leo nka le etsang hore ke tle**

**ke ipholose. Ke a dumela hore o ntjaretse kotlo ya dibe tsa ka. Ako ntshwarele dibe tsa ka tsohle mme o nketse ngwana wa hao. Ako nthuse hore mehlang e tlang ke n'otsa se ratwang ke wena. Oka nna wa sebedisa mantswe a hao.**

Ha o amohetse Jesu, Modimo o o tiisetša ho Johane 1:12 le 1 Johanne 5:12-13 hore o ngwana wa hae le hore o na le bophelo bo sa feleng. Ka baka leo o ka tseba e le ka nnete hore o pholositswe, e seng ka hobane o ikutlwa jwalo, empa ka hobane Modimo o rialo. Ka hobane o amohetse Jesu jwaloka Mopholosi wa hao, ka Moya o Halalelang o ikahetse ka ho wena. Moya o Halalelang o tla o nea thahaselo le matla a ho phela jwaloka ngwana wa Modimo. O tla o nea le tsebo e sa belatseng ya hore Modimo jwale ke Ntatao.

Erekaha Krete a hlakotse dibe tsa hao tsohle, Modimo o re ho wena o lokafaditswe. Ha a sa tla ho o otlwa ka baka la dibe tsa hao. Ka baka leo teboho ya hao e o kgannele ho phelela Modimo feela le ho mo utlwa kamehla.

***Ho o rata ho eketsa tsebo ya hao ya ditaba tsena, o ka ipalla dikarolo tsena Bibeleng:***

Matheu 16:24-26

Baroma 10:9-13

Johanne 6:66-69

2 Bakorinthe 5:14-21

Johanne 15:18-27

Bagalata 5:13-26

Diketso 1:30-31

Baefese 1:1-14 le 2:1-10

Baroma 5:1-11

Baefese 4:17 le 6:20

Baroma 8:1-39

1 Petrose 1:13-16



## Ha o le ngwana wa Modimo, bophelo ba hao bo tshwane le ba Jesu

Ha o amohetse Jesu, o ngwana wa Modimo, o pholositswe. Empa o sa ntsane o le jwaloka sefatjana se setala se tshwanetseng ho hola hore se tiye. Ka tsela e jwalo le wena o tshwanetse ho hola bophelong ba hao ba moya. O tshwanetse hore o nne o ithute ho tseba Modimo ka ho fetisisa. Le kutlo ya hao pela Modimo e nne e eketsehe. Ho bontsha teboho ya kao ka baka la ho pholoswa ha hao, bophelo ba hao bo nne bo eketsehe ho tshwana le bophelo ba Jesu.

Bala Bakolose 2:6-7 le 1 Johanne 2:6.

- **Bala, mme o utlwisise Bibe.** Ithute se ngotsweng teng. Hopola hore Bibe e bua ka ditaba tseo le yona Bukana e se nang Mantswe e buang ka tsona. Ha o bala Bibeleng, o ipotse hore na tseo o di balang di amana jwang le mebala e tsheletseng ya bukana eo.
- **Rapela ho Modimo.** Modimo o re o ka rapela ka nako efe le efe le ka taba efe le efe. Ha o kopa ho Modimo, lebitsong le Jesu, dintho tse dumellanang le thato ya hae, o o tshepisa hore o tla utlwa thapelo ya hao. Empa Modimo ha a utlwe dithapelo tsa bokgonatha tse supang boithati. O ke o ithute thapelo eo Morena Jesu a e rutileng baruwa ba hae (Matheu 6:9-13).
- Ha o le ngwana wa Modimo, o hopole hore Modimo o o phosotse ka sepheo se itseng. O rata hore **o bolelle le bang** (o ba pakele) boholo le molemo wa Modimo. Ka tseo o di etsang, le ka tseo o di buang, o ba bontshe hore

le bona Modimo o a ba rata mme o lakatsa ho ba etsa bana ba hae. O ka sebedisa Bukana e se nang Mantswe hore e o thuse ho hlalose ba bang ka tsa Modimo.

- Leha o le ngwana wa Modimo mme o hloile sebe, o tla boela o se etse. Ha ho le jwalo o se ke wa qala ho belaela hore na o pholositswe na. Empa le teng o se ke wa nna wa tiisetse ho etsa sebe seo. Kamehla **o ipolele dibe tsa hao** pela Modimo mme o mo kope hore a o tshwarele, mme a o thuse hore o se ke wa se etsa hape.
- Moya o Halalelang o tla o thusa hore o hole lehlakoreng la tsa moya, empa Modimo o rata hore **bana ba hae ba thusane**. Ka baka leo o ipatlele metswalle eo e leng Bakreste, mme o ineele kerekeng. Hopola hore bana ba Modimo ba hlokana.

O se ke wa kgathala hammamorao ho etsa dintho tsena tsohle, hobane Jesu o entse tshepiso e makatsang. Leqephe le botala ba lehodimo, le tla o ruta ka yona.

***Sheba Bibeleng hore na e reng ka ditaba tsena tse latelang:***

- |   |  |
|---|--|
| • <b><u>Bala Bibe</u></b>                         | <b><u>mme o etse se bolelwang ke yona:</u></b> |
| Pesalema 119                                      | 2Timothea 3:15-17                              |
| • <b><u>Rapela:</u></b>                           |  |
| Mattheu 6:5-15                                    | Johanne 15:7-8                                 |
| Bafilipi 4:6                                      | Jakobo 4:1-3                                   |
| • <b><u>Paka:</u></b>                             |  |
| Mattheu 28:18-20                                  | Johanne 20:21                                  |
| Diketso 1:8 le 26:16-18                           | 1 Petr. 2:9-10                                 |
| • <b><u>Ipolele sebe:</u></b>                     |  |
| Maele/Diproverbia 28:13                           | 1 Johanne 1:5-2:6                              |
| • <b><u>Hola hammoho le badumedi ba bang:</u></b> |  |
| Diketso 2:37-47                                   | 1 Bakorinthe 12                                |
| Baefese 4:1-16                                    | Baheberu 3:12-14 le 10:25                      |



## Jesu o tla kgutla hape ho tla lata bana ba hae.

Ha ke re Jesu o ile a tsoha bafung? O a phela! Pele a nyolohela lehodimong, o ile a tshepisa barutuwa ba hae hore o tla kgutla hape ho tla lata bana ba hae (Johanne 14:3).

Ha ho motho ya tsebang hore Jesu o tla kgutla neng, empa o ka tseba e le ka nnete hore o tla kgutla ruri ho tla netefatsa ditshepiso tsohle tsa hae. Ho kgutla hona ho tla etsahala ka tshohanyetso. Ha ho sa tla ba le nako ya ho lokisa ho sa lokang. Nako ha e sa tla ba teng ya hore batho ba sokolohe. Ke bao feela ba seng ba lokisitse taba tsa bona, ba tlang ho ya le Jesu. Ha feela o amohetse Jesu, ha ho etse letho hore na ka nako eo o sa ntsane o phela, kapa o se o hlokahetse, hobane bana ba Modimo ba seng ba shwele, ba tla tsoha bafung ba ena le mmele e metjha. Le bona ba tla amohela tsohle tse tshepitsweng ke Modimo.

Ha *wena* o dumela ho Jesu, le wena Jesu o tla tla ho o lata. Lehodimong o ke ke wa hlola o etsa sebe. Teng ha ho motho ya tla shwang. Ha ho letho la dintho tse mpe tse kileng tsa o hlahela bophelong bona, tse tla boela di o hlahela lehodimong. O ke ke wa hlola o lapa, kapa wa utlwa bohloko, kapa wa lla. Hammoho le bana ba Modimo o tla ba le Modimo ka ho sa eeng kae. Boholo ba monate ona bo sitwa ho hlahoswa. Bohle ba lehodimong ba tla rorisa le ho kgumamela Modimo ka mehla le mehla.

Ha Jesu a kgutla hape, o tla otlala batho bohle ba sa kang ba dumela ho Yena. O tla ba leleka, a ba otle ka baka la ho se dumele ha bona le dibe tsa bona. Ba tla utlwiswa bohloko bo boholo bo sa feleng diheleng.

Leha Jesu a ka kgutla ka nako efe le efe, o se ke wa ba botswa mosebetsing, wa dula feela o sa sebetse. O tiisetse ha sebetsa hore o tle o kgone ho baballa ba lelapa la hao. O se ke wa ba lelofa le hanang ho sebetsa, le reng e ka kgona le baballwe ke mmuso kapa batho ba bang. Ka hobane Jesu a ka kgutla ka nako efeng kapa efeng, o nne o phele jwaloka motho ya utlwang Modimo. O phele bophelo bo hlwekileng le bo halalelang.

Lebaka le sa ntsaneng le thiba Jesu hore a kgutle hape, ke bopelotelele ba Modimo. O sa ntsane a fa batho sebaka sa ho sokoloha. Ke ka baka leo a o laelang hore o bolelle ba bang ka Jesu hore le bona ba dumele hoYena.

Na o itokisitse? Ha o itokisitse, ha ho lebaka la hore o tshabe ho kgutla ha Jesu. E tshwanetse ho ba taba eo o e labalabelang, hobane ho tla ba monatenate ka mokgwa o hlollang. Dithapelong tsa hao o nne o kope Jesu hore a kgutle kapele.

***Ditemana tse ding tse ka balwang ke tsena:***

Matheu 24:14	2 Bathesalonika 3:6-15
Matheu 24:36-25:13	1 Timothea 6:14-16
Johanne 14:1-3	2 Petrose 3:1-18
1 Bakorinthe 15	1 Johanne 2:28-3:3
2 Bathesalonika 1:5-2:12	Tshenolo 21 le 22

## Amos Agrimin

secretary@amosafrica.net  
www.amosafrica.net



## Amos Agrimin Regions

**For contact- and bank details, visit our website.**

Amos Agrimin Cape (Western-Cape)

Amos Agrimin Central (Free State and North West)

Amos Agrimin Northern-Cape (and remaining provinces)

## Bank details:

Amos Agrimin  
FNB Brandwag, 230534  
Acc. 5299 000 8842

*Also distributed by:*



CHRISTIAN LITERATURE FUND  
CHRISTELIKE LEKTUURFONDS

**[www.amosafrica.net](http://www.amosafrica.net)**